

Buwire á wakita na a puwatertaa Paul ge emnde a TAISALAUNIKI

Ga use á Paul

¹ Wakita na yá anƙwa puwaná ba iya Paul, nǎ antara Silwanus, ira Timaute. Nǎ anƙwa gaktur use ge kure emnde á Dadaamiya an Yaakadada Yaisu *Almasiihu na kwá am larde á Taisalauniki na.

² Tara Eddemiya Dadaamiya tá an Yaakadada Yaisu Almasiihu a magarakuránmaga ngurna, a varakurteva hairire.

Shairiya á emnde vaci eptsá á Yaakadada Yaisu

³ Na baa ba kure egdzar mama-aha-aaruwa: Nere wá, ma vaatara keni sey nǎ yanka slafaná we á n̄ere ge Dadaamiya áƒaba kure. Una zlaya jipu, áƒaba farfe zlaƒe áƒaliye fetarfe á kure áte Yaisu *Almasiihu, háyávre na am dagave á kure keni farfe ba kwakya. ⁴ Áƒaba una n̄anna, n̄ere nǎ higa á ba an higa ge ndaha labare á fetarfire á kure áza emnde á Dadaamiya bademme, áƒaba tá shakuru zlaƒa kwakya, aley gazlakurka ƒekid̄eki, kwá á ba an fetarfire á kure áte Yaisu Almasiihu.

⁵ Una n̄anna á maramiya shairiya á jirire na watse á se maganá Dadaamiya áte emnde na. Iyau, ba kwakyire á zlaƒa na kwá anƙwa ƒashaná kure kina na keni, á maramiya ba

duksa, geni kure hyaikurephye emnde a dem zlan̄na á Dadaamiya, zlan̄na na kwá an̄kwa basha zlad̄a ad̄aba n̄ane na. ⁶ Una ba jirire, Dadaamiya wá, á de kyá shairiya-aara á ba áte jirire. N̄ane á de eptsaternaap̄tsa zlad̄a n̄anna ge emnde na tá an̄kwa magakurá palase kina na. ⁷ Amá kure emnde na kwá an̄kwa shá zlad̄a am erva-aatare kina na, antara n̄ere, ge miya wá, á de vamiteva puwansepuwe, má eptsap̄tsa Yaakadada Yaisu á sa am samaya antara malika-aha-aara tá an̄ demdemire na. ⁸ Má watse á sáwá Yaakadada Yaisu n̄anna wá, á de sáwá am dagave á nara á kára yaikke, ge se kya shairiya á emnde na d̄abarka Dadaamiya, antara emnde na eksaranteka labare á higa, elva á Yaakadada á miya Yaisu na. ⁹ Ba seke bikere-aatare, Dadaamiya á de faterare laruwa yaikke, tá de njá am laruwa n̄anna ba ge d̄ekid̄eki, yiyiye an̄ n̄ane, tá de puweteka ice-aatare d̄ekid̄eki áte sleksire á Yaakadada á miya an̄ daradza-aara jipu na. ¹⁰ Bad̄emme á una-aha n̄anna á de magava ba vaci á eptsá á Yaakadada Yaisu á sa am samaya. Vacite n̄anna, bad̄emme á emnde na ta fetaare áte n̄ane wá, tá de gálá ba n̄ane á ba an̄ ká kwara, tá de ed̄d̄ema bad̄emme. Daaci, kure wá, watse kwá an̄kwa am dagave á emnde n̄anna keni, ad̄aba eksakuranteksa elva-aara na ndza n̄a balakursebale na.

¹¹ Ad̄aba una n̄anna wá, ma vaatara keni n̄á yanka n̄ála Dadaamiya ad̄aba kure. N̄á an̄kwa n̄ala ba n̄ane geni á gakuranvege zlalava á kure áte una a dzerakurse geni kwá zlalá estuwa. N̄á an̄kwa n̄ala zlafe ad̄aliye geni a melaku-

rumele ge mága názu kwá kátá maganá kure ge shagerire, antara slera na kwá anƙwa maganá adaba fetarfire á kure áte Yaisu *Almasiihu. Ná anƙwa ɲala zlaɓe geni a magakuránmaga unaha ɲanna an hakuma-aara. ¹² Daaci, adaba ɲgurna á tara Eddemiya Dadaamiya antara Yaakadada Yaisu Almasiihu na wá, bademme á emnde tá shánsha gálá Yaakadada Yaisu adaba kure. Kure keni, watse tá galakurgála emnde adaba ɲane.

2

Sesse á edda una zlazlaɗa hala-aara na lauktu á de sawa Yaisu

¹ Egdzar mama-aha-aaruwa, náwa názu yá kwarakursá ya áte sarte a eptsá á Yaakadada Yaisu *Almasiihu na, watse bademme á miya mí de jammeje ázeɲara na. Ná anƙwa ɲalakurɲala, taslawá á kure, ² ma a se bakurnaa ware geni hyephye sarte á tsekwa á Yaakadada keni, kure magauka najipu-aara emtsaade, gazlauka ɗekideki. Una ma edda-aara a se balakurse am nabiyire, ma kwa cenanaa am waazu á malumaha, bi watse á de bánba ura umele geni ndza a puwetaa ba Paul, ɗabauka kure ɗekideki. ³ A keɗakuraaka ura umele ba dey sele, adaba vacite ɲanna á de sawka am tsekadfire ba estuwa. Am sarte ɲanna, emnde kwakya watse tá de dzámka áte Dadaamiya ɗekideki. Zlaɓe ádaliye keni sey má sesse edda una mándzawe hala-aara na watse tá dá ba ɲane zuɲɲwe á dem tate á shá zlaɗa á emnde a mága haypa na. ⁴ Má sesse edda una mándzawe hala-aara

ɲanna maa, watse á ganvege ire-aara ba seke Dadaamiya, watse á piyatertepiya ge emnde bademme geni a yaránya názu tá aɲkwa kezlán ugje na bademme, una ma emnde na tá aɲkwa kezlán ugje ge Dadaamiya an jirire na, ma emnde na tá kezlán ugje ge uwe keni, bademmire á emnde. De bá am mashidi á Dadaamiya na yaikke na keni, watse á naba duwa ɲane á de njá am huɗe-aara, geni emnde tá kezlán ugje ba ge ɲane palle na. ⁵ Ábi am sarte na yá ázekure keni, ndza ya ndakurnda duksa ɲanna bademme. Una ɲanna dedde am ire á kure emtu?

⁶ Amá kina wá, zlaɓe aɲkwa názu a piyetaa lámare ɲanna ge mágava kina. Kure keni diyakurdiya una ɲanna bademme. Estuwa, sey má hyephye sarte na a tsanaa Dadaamiya na, lauktu á de sesse edda una mándzawe hala-aara ɲanna áte parakkire. ⁷ Adaba ba kina na keni, ɲane á ba átira mága emtaɲkire-aara ɲanna am ervaunɗe á emnde kwakya, amá emnde ɲanna diyarka emtsaade. Watse á sawa, amá zlaɓe kineka emtsaade, sey má Dadaamiya ndansendahe ge edda una ni aɲkwa á piyantepiya na, geni a yanánya barama. ⁸ Am iga á una ɲanna wá, daaci á de sesse ɲane. Amá á se kedanaakeda Yaakadada Yaisu *Almasiihu á ba an effeya na watse á segashe am mbuwe-aara na, má samsa ɲane an hákuma-aara á sawa am samaya. ⁹ Sawa á edda á hala ɲanna wá, watse an hákuma á Shaitaine, á se mára nalaama-aha gergere, an najipu-aha gergere, amá watse bademme ba fida. ¹⁰ Má samsa ɲane wá, á se maga jeli á emtaɲkire gergere ge jateraa eɲkale

ge emnde na tá áte unṅule á kefa na. Daaci tá de kefa náza ba ge d'ekid'eki, adaba itare kwalarevkwale ge d'ába jirire, wayarteka geni jirire á lya ura am lámare ṅanna. ¹¹ Adaba yarnaaya jirire á Dadaamiya na wá, Dadaamiya keni a naba magaa hákuma-aara áte itare, a hedateraa enkale, ta naba fetaare áte duksa na fida ba dey. ¹² Kwa cenánceneka-he una bademme? Daaci bademme á emnde na er-vaunḡe-aatare yanaaya fetaare áte jirire, tá kátá mága ba emtanḡire bademme na wá, tá de ṅezleka vaci shairiya.

Dadaamiya a dzerakurse ge lyakurselye

¹³ ṅere wá, ma vaatara keni ṅá yanka slafaná we ge Dadaamiya adaba kure, egdzar mama-aha-aaruwa. Dadaamiya wá, wayakurwaya, ndza a dzerakurse kwaye zlaḡe am fantaufe á duksa bademme, geni watse á lyakurselye an hakuma á Shedekwe Cudedḡe. Estuwa a gakurvaa ṅane emnde-aara, adaba kure ek-sakuranteksa jirire-aara. ¹⁴ Adaba una ṅanna Dadaamiya a d'akurte am sarte na ṅa de balakursaa labare á higa na. Daaci kure keni, watse kwá á ba an sleḡe á kure ge higa antara Yaakadada Yaisu *Almasiihu am yaikkire-aara na an daradza jipu na.

¹⁵ Adaba una ṅanna, tsawaatse ba degdege am fetarfire á kure, egdzar mama-aha-aaruwa. ṅawanaaṅa ba shagera názu ṅa kwarakursaa ṅere na bademme, ma una ndza ṅa kwarakurse á ba an we, ma una ndza ṅa puwakurte áte nalmesheri keni, a seska am ire á kure d'ekid'eki.

¹⁶ Eddemiya Dadaamiya wayamiwaya. Am ngurna-aara a naba vamite tsekadfire am ervaunđe názá ba ge dekideki, anƙwa á melamiyumele ge fete táma á miya áte ɲane.

¹⁷ A fakuremfa ba ɲane palle, tá antara Yaakadada Yaisu Almasihu tsekadfire am ervaunđe; ma vaatara keni a varakurteva ba itare ndzedá ge ndáhá názu shagera, ma ge mága duksa jirire keni bademme.

3

Magaumága maduwa arge ɲere

¹ Anƙwa duksa palle jauje, egdzar mama-aha-aaruwa: magaumága maduwa arge ɲere, geni a hyemhye elva á Yaakadada am slede bademme áte watseswatsire. Magaumága maduwa geni emnde keni a farfe zherwe áte elva á Yaakadada ba seke názá á kure. ² Zlabe adaliye, ɲalaunjala Dadaamiya geni a danjeremka am erva á emnde a mándzawe. Adaba tá anƙwa emnde na yanaaya ervaunđe-aatare fetaare áte Yaakadada.

³ Yaakadada á yakurka an ire á kure. Á de fakurma ba ɲane ndzedá am vuwa, á de tsufakurtsufa am masiba-aha na á de saná shaitaine á sete kure bademme na. ⁴ ɲere keni a melanjerwa ba Yaakadada geni a maganjerka shaige áte kure dekideki. Diyanjerdiya ganakini kwá anƙwa maga ba názu ndza ɲa kwarakursekware na, diyanjerdiya geni kwá de yánka ma vaatara keni.

⁵ A melakurumele Yaakadada Yaisu *Almasihu am ervaunđe á kure geni kwá diyeddiye

háyáva na á wayakurá Dadaamiya an ñane na. A melakurumele geni kure keni kwá gevge emnde á farvaunđe ba seke ñane.

Shagera ma ware keni a emmága slera

⁶ Egdzar mama-aha-aaruwa, názu ñá bakurná ñere an zhera á Yaakadada Yaisu *Almasiihu wá, ñá bakurá ba ni: má kwa naa ura fetarfe á maga masefire, ñane cenaaka elva á ñere na wá, ura estuwa, naba yawánya tate-aara. ⁷ Ba kure an ire á kure keni, diyakurdiya sera-aara bademme ge nja áte náza á ñere. Adaba am sarte na ñá ázekure na wá, maganjerka masefire dekideki. ⁸ Ñere zanjerka dáfá áte ura ba dey. Ñere keni ndza ñá maga ba ñgedepa á ñere vayi vacika, geni a ganjerevka gwatame arge kure ge zanjeru náza za. ⁹ Una ñanna keni ndza ñá magán geni baaka hakuma á ñere ge zá dáfá áte kureka. Amá ndza ña magán ge marakura gáráva shagera. ¹⁰ Am sarte na zlađe ñá ázekure keni, ndza ña ndakurndaha bademme, a ba ñere: Má edda-aara kwalevkwale ge mága slera, a zeka dáfá keni. ¹¹ Ña ndahanaa ácfaba uwe una ñanna? Adaba ñá anjka cena: tá anjka emnde na wayarka mága slera dekideki na am dagave á kure, slera-aatare ba dem elva-aha á emnde umele. ¹² Náwa elva na ñá baterán ge jeba á emnde ñanna an zhera á Yaakadada Yaisu *Almasiihu: Ekkure keni eksawanteksa mága enkale, magaumága slera á kure ge gela ire á kure.

¹³ Daaci, egdzar mama-aha-aaruwa, kure wá, ma vaatara keni yawánka mága maggwire

dekideki. ¹⁴ Má kwa naa ura ni cenaaka názu nǎ anƙwa kwarakursá ɲere am wakita na wá, diyaweddiye edda-aara ba shagera, yawánya tate-aara, geni a jejjá zherwe. ¹⁵ Amá wá, eksauka áte kelaadire; ekkure wá, bawanánba áte nǎ á egdza mamire.

Use antara barka am halavuwa á elva-aha

¹⁶ Yaakadada wá, edda á hairire ba ɲane. Ma vaatara keni a vakurteva hairire áte una a disaa ɲane; a yákuraaka deme Yaakadada.

¹⁷ Náwa una wá, yá anƙwa puwaná ba iya Paul an erva-aaruwa mazla-aara ge gakur use-aaruwa zlaɓe ádaliye, ba seke una ni yá magán ba estuwa am wakita-aha-aaruwa baɗemme na. Kwaye ɲane fantefa erva-aaruwa áhuna.

¹⁸ A hyetehye ɲurna á Yaakadada Yaisu *Al-masiihu áte kure baɗemme á kure.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d